

ЖАНУБ ЖАРЧИЛАРИ

*Зиёси кенгинг -
дунёси кенг!*

ИЖТИМОИЙ - СИЁСИЙ, МАЪНАВИЙ - МАЪРИФИЙ ҲАФТАНОМА

2012 йил,
25 октябрь
№ 42
(159)

Маҳмуджон РАСУЛМЕТОВ:

“Чехияга боришни фараз ҳам қилмагандим!”

Маҳмуджон Расулметов -- 1995 йили 15 октябрда Сайрам қишлоғида Алижон Тўламетов ва Гулшод Мирҳолдороваларнинг оиласида дунёга келган. 2001 йили Ю. Сарёмий номидаги 1-сонли мактаб - гимназиясига ўқишга борган заковатли йигит ҳозирда айни билим масканининг битирувчи синф ўқувчиси. Келажакдаги орзуси -- шифокор бўлиш. Бизгача математика фанидан ўтказилган олимпиадада қатнашиб, Новосибирск шаҳрида дам олиш лагерига бориб қайтган. Юртимиздан Россия давлатига борган 20 та иқтидорли ўқувчиларнинг орасида биттаси миллатдошимиз, яъни, Маҳмуджоннинг борлиги -- фахримиз!

Эслатиб ўтамиз, ўтган ўқув йилида таҳририятимиз ҳамда Сайрам тумани ўзбек маданият маркази ташаббуси билан математика фанидан олимпиада ўтказилди. Бош соврин эгаси, ҳоми-йимиз -- Чимкент шаҳар ўзбек маданият марказининг раиси, “Фито-фарм” компаниясининг директори Олимжон Ирисметов билан 5 кун давомида Чехияга бориб қайтишди. Бугун ана шу олимпиада ғолиби, қўхна Сайрам диёрининг ўғли -- Маҳмуджон Расулметов билан сафари ҳақида суҳбатда бўлдик.

“Ойи, мен Чехияга борадиган бўлдим”. Маҳмуджон шундай дея қувончини онаси билан бўлишмоқчи бўлганида, Гулшод опа бунга ишонмади. “Ҳазиллашма”, дея бепарво бўлди. Лекин у чиндан ҳам Европага бориш ҳуқуқини қўлга киритган эди.

-- Маҳмуджон, олимпиада ҳақида қаердан ва кимдан эшитгандингиз?

-- Бир кун синф раҳбаримиз Дилфуза Хўжаҳмедова қўлида “Жануб жарчилари” газетаси билан синфимизга кириб, математика олимпиадаси ҳақидаги эълонни кўрсатди. Фанлар шоҳига қизиқишим ўзгачалиги боис, тенгдошларим қатори билимимни синаб кўрмоқчи бўлдим. Танловга қатнашган вақтда 2 ёки 3-ўринни эгаллаيمان деб ўйлагандим. 3 -турда олий ўринни қўлга киритганлигимни айтишди. Насиб этган экан, Европа давлатларини кўриб келдим. Шунга амин бўлдим -- ўқиш ва яна ўқиш керак экан.

--Таассуротлар қандай?

--Эҳ-ҳе, саёҳатимиз менга жудаям ёқди. Гарчанд атиги беш кун Чехияда бўлсам ҳам, бу ҳаётимдаги унутилмас воқеа бўлиб қолди. Холназар исмли тошкентлик миллатдошимиз бизни айлантирди. У киши “Барар” ўқув фондининг раиси бўлиб, Қозоғистон ва Ўзбекистон Республикаларидан келган талабаларни моддий томондан таъминлаб турар экан. Биз у ёқда ҳудуди жудаям катта бўлган институтларга бориб, уларнинг ҳаётлари билан тинишиб қайтдик. Ўқиш тизими бўйича доцентлардан турли маълумотлар олдик. Прага

шаҳридан 100 километр узоқликда жойлашган Карлов номидаги институтда ҳам бўлдик. У Европадаги энг қадимий институтлардан саналар экан. Чехияда бепул ўқийман деганларга қўйиладиган битта талаб бу -- чех тилини билиш, олийгоҳ томонидан талабалар ҳақи ҳам берилади. Инглиз тилида ўқийдиган талаба ўқиш ҳақини тўлаши керак экан. Иккинчи кун Германиянинг Дрезден шаҳрига бордик. Хуллас, таассуротларимнинг ҳаммасини сизга айтиб тугата олмаيمان. Айниқса, биринчи марта самолётга ўтирганимда, олимпиада ташкилотчиларига ич - ичимдан раҳматимни айтдим. У томонда поездга миндик, бизда бу транспорт воситаси юриш жараёнида овоз чиқарса, Европадаги поездлар умуман, сас чиқаришмайди.

(Охири 2 - бетда).




Маҳмуджон РАСУЛМЕТОВ.

МУҲТАРАМ МУШТАРИЙ!

**АНТАЛИЯГА БЕПУЛ
САЁҲАТ ҚИЛИШНИ
ХОҲЛАЙСИЗМИ?**

У ҳолда “Жануб
жарчилари”га обуна
бўлинг ва...
...лотерея ўйинига
51 кун қолди.



“ЖАНУБ ЖАРЧИЛАРИ” / Фойдали! Керакли! Муҳим! /

Манзилимиз: Оқсувкент қишлоғи, Жибек Жўли кўчаси, рақамсиз уй. Мўлжал: “Палов маркази”,

тел. 8-72531-22-966, 72-452 janub_jarchilari@mail.ru